

Дуныз 5 копейка | Редакциялэн адресез: Шаркан село, Советской ульча, 57, РДК-лэн 2-ти этажез. | 10-ти арзз пста

## Массовой политической уж

Первичной партийной организациослэн ответственной задачаенызы луэ—колхозник'ёслы но колхозницаослы валэктныны фашизмлы пумит войналэсь пёртэмлыксэ, всенародной, отечественной войнаез.

Великой отечественной войнаез секыт нунал'ёс аз котькуд советской патриот ужаны кулэ самоотверженно. Ваньмыз подчинить каремын луыны кулэ тушмонэз вормонлы.

Тросэз первичной партийной организациос ас ужзэс воённот дырлэн требованиосыз'я выльдыса, массаосты жуто сельскохозяйственной уж'ёсты жог быдэстон понна. „Горд кизили“ колхозысь первичной парторганизациосысь коммунист'ёс асьсэос пример возьматыса сьбразы валто колхозник'ёсты. Агитатор'ёс колхозник'ёсты направлять каро шуг-секыт'ёсты вормонэ, туж кулэ задачаез быдэстонэ— фронтлэсь мышсэ юнматонэ.

Колхоз бусыосын али сюосын дышеткисьсёс комсомолец'ёс ужало, соос колхозник'ёсын чош котыкыче уж'ёсты быдэс'яло и озы ик колхозник'ёс пöлын валэктон уж нуо, газетаос лыдзо.

Та егит'ёсты озы срганизовать кароно, чтобы комсомолец'ёс но вань егит'ёс пример мед возматозы. Кылын гинэ вераса öвöл лэстыно, ас кужымен ужаса, пример возматано, сотэк агитация токма быре. Большевицской кыл большевицской ужев юнматиське, вот отын—агитациялэн кужыме.

Вае, эш'ёс, нуналлы кыккуинь норма быдэстом. Толады вае, что тыляд стахановской ужамды боец'ёслы юрттэ, фашизмлэсь быронзэ матэ вуттэ.

Нош колхозник'ёс пöлын массово - политической уж котыкытын ик кулэез'я пунктэмын öвöл. Вань сыче партийной организациос, куд'ёсыз асьсэлэсь ужзэс та дырозь военной ладэ перестроить öз каре на.

„Виль сюрес“ но Ленинлэн нимыныз нимаам колхоз'ёсысь первичной парторганизациос валэктон ужез кулэез'я öз пунктэ, соин ик та колхоз'ёсын бусы уж'ёс бере кылемын, государстволы ю тысь сётон туж урод мынэ.

Агитационно - политической уж направить каремын мед луоз планэз мултэсэн быдэстонлы, колхозник'ёс кыккуинь норма мед сётозы.

## Красной Армии подарок сетом

Н-Казеской НСШ-ысь но Ворошиловлэн нимыныз нимаам колхозысь первичной комсомольской организациосысь комсомолец'ёс комсомольской собрание ортыттызы. Красной Армии подарокыстыны собраниын соос решить каризы.

Шунитгем дйсыськыса, лекгем нюр'ясыкызы асьмелэн боец'ёсмы“.

Боевой походной улонэ кулэ макеосты: шунит чулки, носки, пöз, шарф, бинялтон но мукетыстыны комсомолец'ёс дасялозы.

Та организациосысь комсомолец'ёс районьсытымы вань комсомольской организациосы Красной Армии подарокыстыны öтё:

«Шаркан районьсы вань комсомолец'ёс но комсомолец, тйледыз öтиськом Красной Армии подарок дасяны. Асьмелэн подарокмы каждой боецлэсь тушмонэн жугиськон мылкыдзэ жутоз“.

Ссбранилэн косэмез'я:

- 1) Перевозчиков Ф.,
- 2) Баранов В.,
- 3) Слепышева,
- 4) Трефилова.

## Тушмонэз быдэсак пазьгон понна ваньзэ сетом

Урмем враг советской союзысь свободной калыкез раб'ёслы берыктыны малпа. Уз кылды Гитлерлы уйвöтын но сыче планзэ быдэстыны.

Кызы фронтын советской воин'ёс самоотверженно нюр'ясыко, озы ик фронтлэн мышказ советской калык котыкыче ужын зол ужа. Вань улэменызы, вань ужаменызы фронтлы юрттыны карисько асьме районьсытымы колхоз'ёс. Али уноез колхоз'ёс государстволы йöл тыронзэс дырызлэсь азыло быдэстыны но обороналэн фондаз йöл, вöй сето. „Светлана“, „Курегурт“, „Идеал“, „Правда“ колхоз'ёс но мукет'ёсыз обороналэн фондаз 1000 литр ёрос йöл сдать каризы ини.

Та колхоз'ёсысь колхозник'ёс быдэс районьсы молочно-товарной фермаосын ужасьёслы но вань колхозник'ёслы вазисько, соос сямен ик молокопоставкаез быдэстыса, обороналэн фондаз йöл сётыны.

Нош таке зол, сьулмысь ужан вакытэ, вань кужымез поньса государстволы юртгон дыр'я куд-ог колхоз'ёс көбертэк уло. Молокопоставкаез туж урод быдэс'яло „Свет“, „Искра“, „Доброволец“ но куд-ог колхоз'ёс.

Али дырын Советской Союзын таке урод уж'ёслы интылуыны кулэ öвöл.

Сементин.

## Международной юношеской нуналэ ортытэм воскресник

7 сентябре районьсытымы международной юношеской нуналлы сйзыса кыкетй воскресник ортытэмын. Воскресивын участвовать каризы 2369 егит'ёс, со пöлын 1324 ды-

шетсисьсёс, ужазы бусы уж'ёсын но мукет ужын. Ваньмыз ужамын 1020 трудоденьлы но 741 манетлы легечпу мулды но губи октыса сдать каремын. Шулепова.

## Обороналэн фонд аз

Титовской сельсоветысь „Сильво“ колхозысь колхозник'ёс но колхозницаос, Н-ской частысь боец'ёслэсь, командир'ёслэсь но политрук'ёслэсь гожтэтсэс лыдзыса, азыпала эшшо но умой ужаны, Красной Армии юрттыны обязать кариськызы.

Оборонамылэсь мощсэ юнматыны понна, колхозник'ёс обороналэн фондаз 1600 манет валичной коньдонэн но 5215 манет государственной заемлэсь облигациоссэ сётйзы, озы ик 500 килограмм картсфка сдать карыны решение кутйзы.

Колхоз 6-ти сентябре тысь культураоссэ араса быдэстыз. Зег, чабей но йды культосс—ваньмыз кабанэ люкамын. Али дыре государстволы нянь сётонэз вакчи дыр куспын быдэстон выльсь уждур кутэмын.

Колхозник'ёс сельхозналогзэс, страховой но государственной заёмлы взнос'ёссэсю процентлы быдэстызы ини. Озы ик силь, йöл но мукет'ёсыз тырон'ёсы тырмытэмын.

А. С. Вахрушев.

## Кутсаськонэз умой организовать каризы

Суруновской сельсоветысь „Северный край“ колхоз ю тысь кутсанэз умой организовать кариз. Кутсаськон машинаос сутка чоже ужало. Кутсаса государстволы 85 центнер ю тысь сётэмын ни.

Озы ик Кыквинской сельсоветысь „Красный Октябрь“ колхозын кутсаськон машинаос сутка чоже ужало.

„Пислегово“ колхоз кутсаса государстволы 106 центнер ю тысь сётйз.

Нош куд-ог колхоз'ёс выль урожаяез кутсанэз но государстволы нянь сётонэз урод организовать каризы. Суруновской сельсоветысь „Светлый путь“ колхоз государстволы ю тысь 15 центнер сяна öз сёты на.

Али та отечественной войнаез нунал'ёс аз колхоз'ёслэн но колхозник'ёслэн задачазы—фронтлэсь мышсэ юнматыны, вань сельскохозяйственной уж'ёсты дырыз дыр'я но выль зечлыкэн быдэстыны. Тушмонэз жог но быдэсак пазьгон понна ваньзэ сётыны. Со понна нюр'ясыко асьме колхоз'ёс.

К.



Мальцев художниклэн рисувокез. ТАСС-лэн фотохроникаез



Стартын „Мерлин“ бомбардировщик'ес  
ТАСС-лэн фотсхрникаез

## Ми сое ум вунэтэ

Котькуд нунал, гитлеровской войскоосын ог дырлы занять карем район'есын фашистской варвар'еслэн мирной калыкез эриктэмамзы сярысь, выль ивор'ес вайылэ. Советской граждан'ес, фашистской адысь пегзыны быгатэм'ес, гитлеровской адями сиисьёслэн кылылымтэ злодеяниоссы сярысь верало. Та ивор'есты кылыку, каждой советской патриотлэн сюлмаз адзонтэм каронэз жуатске. И котькудиз, кинлы дуно асьме великой Родинамы, кылзэ сётэз вань кужымзэ адземпотонтэм тушмонэн нюр'яськон понна, асьмелэн адямиосмылэн быремзы но вирзы понна пунэмзэ жалятэк берыктыны!

Советской калык сюлмаськытэк улонэз уз тоды, пока асьмелэн адямиосмылэн вирзы понна фашист'ес асьсэлэн съёд виренызы поплатиться өз кариське.

Кулон фашистской бандит'еслы! Ойдгезлы но фашистлы муз'ем вылын улыны ум сэтэ!

1.

Мон Брестын уй, Фашистской стервятник'есын жуатэм городысь пегзыкум, город пумысь асьмелэн пограничник'есмылэн формаенызы адямиосты адзи. Шумпотыса тэтчаны кутскиз сюлэм: асьмелэн! Но шумпотэме токма луиз. Соос переодетой фашист'ес вал.

Мон адзи, кызы фашист доры пичи пинал бёрдыса лыктыз. Адске, со аслэстыз мумызэ ыштыз но табере, советской боецлэн формаеныз дйсьяскем адямилэсь дурбасьтон шедьтыны малпа вал. Пи-

### Стахановской амалэн ужало

Кыквинской сельсоветысь „Виль курегурт“ колхозысь колхозник'ес колхозной производствын выль производительностен ужало. Кылсярысь, машинист'ес Сергей Коклин, Василий Залазаев, И. Лебедев ш'ес нормаэсэс 150-200 про-

нал, пичиесь киоссэ азыпала мычылыз...

Ма вал собере?

Ог дырын пичи мугор фашистской штыклэн йылаз омыре жутскиз. Пиналлэн шойыныз йыр вадьсаз шоназ изверг... Та минутэ мон ас синмыным адзыса валай, ма со фашизм.

### Командирлэн кышноез ЗОЙКО

2.

Мон Гродно городын вал. Кыче чебер, сясыкаяськись советской город вал со! Фашист'ес сое ваньзэ куашкатызы. Ваньзэ, городысь кошкыны вуымтэ еврейесты фашист'ес ыбылызы, вандылызы, курадзытызы. Гитлеровской бандит'ес, ныл'ес но егит кышноос вылэ облава организовать каризы, соосты адямины тупатэ мыскылланы но курадзытыны понна. 14 нунал уй мон тушмонлэн мышказ, фашист'есын басьтэм дас селоос пыр потй, и котькытын кыл пинал'еслэсь сюлэм пилиськымон бёрдэмзэс, адзи кышноослэсь но пересьёслэсь белорусс'еслэсь курадзем'ессэс.

Еврейёсын, активист'есын зверской расправазы бере, фашист'ес котькудаз селоын грабить карылызы. Мон адзылы котькытысь фашистской бесчинствоослэсь бервыл'ессэс.

Фашистской офицер белорусской крестьянкалэсь берпум ветылтэ таланы од'я вал. Кышномурт бёрдыса офицер шоры султыз но маке вераны медэ вал. Палач крестьянкаез тыбыраз прикладэн вань кужмыныз шуккиз но тыбыр сурлызэ чигтыз.

П. Е. Гнездилова.

центлы быдэс'яло. Соос кутсаськонын вань ужасьёслы пример возьмат.

Озы ик ю нянь октон-калтоннын тросэз колхозник'ес но колхозницаос нормаэсэс мултэсэн быдэс'яло.

Л. Столбов

## Фронтысь гожтэт

Кемалась ик овёл «Виль курегурт» колхозысь колхозник'ес фронтысь, азывыл колхозлэн председателез луыса ужам колхозниксылэсь, Дмитрий Захваткин эшлэсь гожтэт бастызы. Со асьме муз'еммес, чествомес но эрикмес защищать каре, немецкой захватчик'есты жалятэк жуге.

Захваткин эш гожтэ:

„Мон немецкой фашист'ес пумит, родина понна нюр'яськисько. Красной боец'есын чош мон трос пол жугылы фашист'есты.

Одйг пол милям особой действующой отрядмы фашистской солдат'ес пумитэ рукопашной бое мыныз. Фашист'ес пычал'ессэс куязы но пегзыны кутскизы. Нош пегзись фашист'есты ваньзэсты быдтём, кудиз пленэ сётскиз. Не-

мец кышка советской штыклэсь!“

Озы ик Захваткин эш косэ колхозник'есты, колхозницаосты но дышеткись пинал'есты фронтлэн мышказ асьсэ постазы честно но самоотверженно ужаны, доблестной Красной Армия вань кужыменызы юрттыны.

Котькуд колхозник, колхозница, дышеткись пинал'ес жутскем мылкыдын но фашист'есты адземпотонтэмлэн чувствоеныз колхозной производствын ужаны кутскизы.

Асьме Красной Армия вань средствоосын но продовольствиосын юрттыны понна ужын честно но самоотверженно ужалом. Быдтом фашистской гад'есты!

Л. Столбов

## Ю-нянез ыштон'естэк октоно

Красной Армия но советской калык кык толэзлэсь но кема немецко-фашистской войскоослы пумит великой отечественной войнаез нуо ини. Виль обстановка та вакытэ вань уж радэз военной ладэ тупатэмез кулэ кариз.

Ю-нянез октон-калтонлы дасьсыкыса, Сосновка сельсоветысь колхоз'ес но ваньмыз колхозник'ес асьсэ азе таже задача пуктызы вал: машинаосты но кыин ужан тйрлык'есты дырызлэсь азыло тупат'ян, ю-нянь октонэз вакчи дыр куспын ыштон'естэк быдэстон.

Агитационно-массовой ужез кужмоятон понна сельисполкомлэн председателез Ширококов эш котькуд колхозэ агитколлектив'ес кылдыт'яз. Агитационной уже кутэмын партийно-советской но комсомольской актив, дышетисьёс но детдомысь воспитательницаос. Али соос агитационной ужез нуонэн валче ю-нянь октонын но ас кужыменызы ужало. Умой ужало агитатор'ес пöлысь: Лямин М. И. ды-

шетись, Ширококов А. И., сельисполкомлэн председателез, Васильев С. К. Кагановичлэн нимыныз нима колхозлэн председателез. Советской Информбюролэсь ивортон'ессэ, хозяйственной ужмпум'ес сярысь беседаос ортчыто.

Этйн тышканын дышеткись пинал'ес нимыстыз группас кылдыт'яса ужало.

Аранэн Кагановичлэн нимыныз нима но „Липовка“ колхоз'ес азыло мыно. Тросэз нылкышноос нормаэс мултэсэн быдэс'яло. Родионова П. 0,16 га интые 0,40 га кыин ара, Иванова У. П.—0,41 га, Липатов М. Т.—0,15 га интые—0,30 га, Петрова Кс. Т.—0,28 га кыин ара. Кагановичлэн нимыныз нима колхозын 350 интые 500 культо керттэ. Широкова М. В. 400 культо интые 760 культо керттэ. Перевозчикова П. К. 400 интые—720, Вахрушева А. И. 350 интые—500. „Виль гурт“ колхозысь машинист Владыкин Д. 2,5 га интые 4 га ара.

Е. Загребин

## Противопожарной уж

„Курегурт“ колхозын пожарной дружина кылдытэмын. Отын 35 мурт. Полевой охрана организовать каремын. Со бусыосты эскерыса ветлэ.

Колхозник'ес но комсомолец'ес дружинаын 10 мурт активной член'есын ляд'ясько. Соос колхоз правленийын бёрсысь дежурить карыло но уин пост'есты эскерыса ветло. Конной дворын, фермаосын но общественной постройках дорын возмаськисьёс пуктылэмын.

Общественной постройкаос дорын пожар кысон тйрлык'ес дасямын (песок, ву, ведроос, бочкаос, лопаткаос, тйр'ес, багор'ес). Охраналэн дружинаезлэн член'есыз куспын ужан обязанностьсы люкылэмын.

ОДПД-лэн начальникез Захваткин эш колхозник'ес но актив пöлын 6 пол лекция лядзиз ини пожарез кысон сярысь, пожарез предупредить карон сярысь.

ОДПД-лэн нач. Захваткин

## Колхозлы юрттызы

Вортчинской начальной школысь дышеткисьёс 7 сентябре воскресник ортчытызы. Соос колхозлы этйн вöлдизы. Нормаэсэс мултэсэн быдэстызы 3-4 классын дышеткисьёс Иван но Геня Ширококов'ес,

Ульяна но Анна Вахрушеваос. Ужам дунзэс обороналэн фондас сето. Перевозчиков

Редактор Н. ВАХРУШЕВ.

Издатель РАЙСОВЕТ.